

25320

11150
RELATIO LATINA
SOLENNISSIMI INGRESSVS,

In Urbem Metropolitanam Cracoviensem, &
Arcem Magnificentissimam, cum summo
plausu & pompa.

SERENISSIMI & INVICTISSIMI
REGIS POLONIÆ &c.
DVCIS HÆREDITARII

^{ac}
ELECTORIS SAXONIÆ &c.

^{ac}
Peracti die 12. Septembris 1699

RELATIO ACTVS CORONATIONIS.

Pront semper à Supremo Iove principium cuiusvis rei interest
facere, ita etiam *Serenissimus Rex* ab Octava adhuc præsentis,
nempe à die Solennis Festivitatis Natalis B. V. MARIÆ post
Confessionem Sacramentalem, in Templo SS. Petri & Pauli, Pa-
trum Soc: IESU, ad hunc Actum Coronationis se destinando, ordi-
ebatur à Laudibus DEI, & eademmet hebdomada tres dies jeju-
navit, ob præparationem tam Magnæ suscipiendæ Coronæ. In-
primis igitur quoad ingressum spectat, sciendum est; pridie illius
mandatum Regium, ad Castra sua ordinatum fuisse, ut essent para-
tissimum ad inducendum luce crastina Regem Serenissimū præmo-
nendo cunctas legiones & assistentias de omni modestia & cuitati-
one occasionis ad excitandum aliquem tumultum. Die igitur Io-
vis mane post auditum sacrum inter nonam & decimam horam,
egressus est *Serenissimus Rex*, cum omni sua aula, ad Villam voca-
tam Promnik. (& prandebat illuc) ibi inuenit iam suum exercitum
cum salutatione reddentem Majestati Regiæ honorem debitum.

Milita;

~~Her. pol. 6452~~ A 253 207

Militarem. Conueniebant interea varia agmina, pedestrium & Equestrium hominum in suburbia & campos Villæ dictæ Promnik, nempe pedestres Militiæ in Hungarico vestitu. Polonæq; vexilla Loricorum & Hastatorum pulcherrime adornata. Quos S. R. Majestas spectans, recipiebat honores & salutationes submissimas cum sua satisfactione Regia, interdum expectabant omnes, donec alij sensim in idem gremium conuenissent, scilicet ordo Equestris Inclitissimæ Nobilitatis, Officiales vtriusq; gentis, & Senatores vtriusq; classis &c. Steterunt postea dispositè pedestris Militia Regalis in rubro Vestitu nouo duplici ordine à Villa Promnik, vsq; per Urbem ad ipsam Arcem per medium relicta via propter ingressum. A tergo verò illorum aliquot 10. Vexilla, itidem per totam Urbem disposita stabant, bracteatorum in Ferreis manicis & casibus pro securitate & bono Ordine Ingressus hujus, optimis omnes insidentes equis Castaneofuscis. Civitas etiam in armis omnis ordinate expressa cum Vexillis pro salutatione Serenissimi & redditione suæ subditæ humilitatis, vt potè contubernia omnia. His Vestigijs more militari equitans caterua Mercatorum extraneorum venit in cultissimo habitu, quorum Vexilla duo vnum cum Musica Tibicinum, alterum cum Fayfris. Item Polonorum Mercantium equitatus, instar leuioris armaturæ Militum conuolarunt, qui inducto Rege Serenissimo steterunt Ordine expectantes redeuntem. Vexilla postea Hungariæ Militiæ sex nonnullorum Magnatum Regni in nouo Vestitu varij coloris incedebant. Item Gregarij Milites Regij in rubro amictu vittis circumdecorato fuerunt Vexilla decem cum gladijs euaginatiss in manu. Officialistæ ante eos cultissime ornati equis pulcherrimis, armis subjugijsq; argenteis lapide pretioso contextis enitebant, aliqui Officiales Galeas habuerunt sub Pennis: Raytaria item desuper pallio Vestita minati coloris Embriato Vitta argentea, sub pennis albis vniformibus Tympana illis argento fusa deaurata sub stemmatibus aureis Regalibus, quam Raytariam vocant aulicam Guardyam. Tibicines 24. cum argenteis Tubis & stemmatibus Regalibus deauratis in vestitu minati coloris & cyanei, sub galeis pennatibus. Post hos ducebantur equi ad apparentiam ornati splendidissimo nitentes, variorum colorum cum instratis Ephippijs auro segmentatis, tegumenta in illis holosericea coccinea Filo aureo Argenteoq; largissi-

largissime prætextæ, stemmate insignita Regali. Subjugia ad luxum solo decora auro, eleganti artificio, elaborata, in iisdem splendebant equis, quorum numerabantur 40. Item Muli 40. sub tegmine aurato prædiuite, circumcirca vittis argenteis decorato, sub stemmatibus itidem Regalibus ac Verticibus cristatis, prima varij coloris in collis campanullæ ligamine sericeo apud omnes vniformiter appensæ, jucundè personantes, ducebantur partim à Turcicis, partim ab aliarum nationum hominibus. Vestitis apparentissime indumento flauici coloris in illis arcæ vehebantur completæ auro & argento, ac pretiosis thesauris Regalibus. Item duo Muli ferentes Leticam, nempe currum Regalem prædiutem auro, qui ducebant illos, vestiti sunt pretiosiori amictu, quàm illi. Circa Leticam Cursores præcipitabant, coccineo panno, pulchre operiti. Insequebantur item Carpentæ aulici 20 inter quæ Illustri ac Excellenti Dñi. D. Court Reyniche S. R. Imperij Comitis de Calemberg, S. R. Maiestatis Polon: Coronati nouiter Hereditarij Ducis Saxoniz Camerarij &c. Vestæ 6, equis, Injugata ditissimè. Penes quodlibet Carpentum in diuerso colore militaris assistentia, nempe in viridi flauo rubroq; fimbriatis Vestibus Vittæ argentea. Quidam more Turcico vestiti, quidam, more Hungarico procedebant. Cursores circa illa luculenter ornati in pileis pennantibus. Præterea Carpentæ 5. Ablegati Magni à Cæsare Christianorum Principis Imperij Episcopi Passauiensis vehebantur, propè illa milites in liberis ex panno Caryophyllacei coloris, Vittæ mixtum holosericea argenteaq; adornatis. Ex his vnum Carpentum pulcherrimum, equi, Murini coloris, trahebant. Demum Carpentæ 12. Splendidissima Regalia in assistentia militiæ variæ, vltimum præsertim Carpentum, intus & extra, aureo filo locupletissimè contextum octo equis vehebatur, injugijs deaurato argenteis trahebant, iuba & Capite Cristato enitentes coloris nitido Lupini cum stemmatibus Regalibus. Circa hocce Carpentum procedebat varia militaris assistentia in Hungarico Turcicoq; Vestitu sub pennis albenibus decorati de sub Liberijs. Tandem ducebantur equi octo sonipedes elegantissimi instar Bucefalorum cum pretiosissimis operimentis holosericeis auro contextis, cætero ornamento locupletissimi Regali stemmate insigniti præsertim vltimo progrediens, fusci coloris iuba superbiens cristaq; nitens appensa quasi lateri vexit

frameam fastuosissime lapide pretioso contextam, Ephippium in illa nimis pretiosum & elegantissimum, reliqua ornamenta nempe freno &c. adamantibus mixtim cum raris pretiosis lapidibus ad luxum impinguata. Item Vexilla Raytarorum in suo novo decore vestitu, post equos procedebant. In suburbio in Templo S. Floriani Alma Vniuersitas Academia, per Illustr: & Rndum D. Rectorem suum condigne Serenissimum Regem salutauit, illucq; pro tunc ad osculum Manus Regiæ admissa, recepto pro salutatione responso ore Illustr: Vice Cancellarij Regni. Cum autem approximatur Serenissimus Rex Vrbi, ante portam Urbis Prænobilis ac Spectabilis Magistratus Cracouiensis per D. Præsidentem, protunc Dominum Stanislaum Łopacki Ph: & Medic: Doct: cum præsentatione Clauium Urbis humillime salutarus est stylo Oratorio elegantissimo, huic ore Illustr: Vice Cancellarij Regni responsum debite est, & admissi sunt ad osculum manus Regis Prænobiles uero Dñi Consules Cracouienses suo ordine acceptum Baldachinum ex Materia sericea aurea splendidissimum portarunt super Regem Serenissimum per Urbem usq; ad Arcem, ubi in foro ipso duæ Triumphales Portæ, ad stuporem credæ cum raris inscriptionibus & eximijs elogijs auro argentoq; exar tæ fuere, in quantum vna effigies Regalis ad vivum expressa stabat, in altera parte noviter Coronatus Serenissimus Rex Bucfalum artificioso expressum cum Clava Regiæ Loricatus Potentissimus Monarcha infederat. Tempore ingressus in Urbem ex tormentis salutatus est tribus vicibus iteratis. Propter securitatē autem Regiæ Maiestatis antecedeabant Vexilla Raytarorum. Post terga Serenissimi Regis procedebant lento gradu aliæ militiæ, ipse delectus virorum Polonici & Germanici exercitus, nempe Loricati Magnatum Regni gradiebantur dispositē, tanquam paratissimi ad aciem: Vexilla illorum sex vnum Regale Loricatum cum signis rubro flauoq; igneis, Cataphractorum. Item Vexilla 3. atq; vnum Regale equis præparamento bellico munitissimi viri, Tribuni illorum & ceteri Officiales pileis cristanis differebant, Vniuersi verò ex ferro fusi Thoracibus splendebant. Item Vexilla districtuum recenter, à Serenissimo Rege extructa. Cateræ item Nobilitatis, Palatinatus Posnaniensis, Cracouiensis, Sendomiriensis, & uariarum aliorum Palatinatum splendide decorarunt ingressum Serenissimi Regis,
Post

Post hos omnes Illustri Senatores, Officiales, vtriusq; gentis comitabantur Serenissimum Regem Illustr. Episcopi, Prælati, Abbates &c. Illustr. Marschalcus aula Regni scipionem pretiosissimum semper antetulerat Serenissimo Regi; Serenissimus ipse Rex, pretiosissima desuper Veste auro puro contexta, vere Regali indumento Vestitus adamantibus, ad luxum simbriato, quod subductum fuit, pellibus enustellarum albatum. Inferior autem vestis globis adamantibus magnis ponderosissima, præcinctus Serenissimus, super omnes vestes baltheo appretiato densis adamantibus, frameam Polonam lateri suo adamantibus itidem fastuosissime adornatam accinxit, galea in vertice eius, fibulis adamantibus nexæ, fascia itidem Adamantina circum cum penna rubra. Uno verbo ornatus hic potest æstimari quantitate aliquot millionum Imperialium, præter equum inessum, frænis & cæteris cum equo ornamentis adamantibus, superbè & Magnificentissimè decorem, qui fuit nitidissimo flauens, pulcherrimus & tractabilis, lento gressu sub Serenissimo Rege pedibus desuper quasi saltu ferebatur, adeo exercitatus vt similior in tota Europa inueniri cum difficultate posset; Comitantia Senatorum & Officialium aliorumq; procerum & magnatum Regnante ipsum Baldachinum in pretioso & elegantissimo ornatu procedebat. Proxime autem Seren: Regis extra Baldachinum Celsissimus Legatus Magnus ab Augustissimo Casare Christianorum Princeps Imperij Episcopus Passaviensis, Illustr. ac Excelent: Comes Oberwek, Legatus Magn: Serenissimi Electoris Brandenburgici, Illustr. & Excel: D. Count Reiniche de Calemberg, S. R. Imperij Comes, Camerarius S. R. M. ac Illustr. & Rndmus Episcopus Cuiavienfis, & Pomeraniæ destinatus ex Consilio Senatorio ad Coronationem Regis Serenissimi. Alij autem Amblegati extranei in Gremio Senatoriū antecedeabant Seren. Regem. Paululum remotius à tergo Seren. rubro vestitu Vittis argenteis simbriato ornata equis albo canoq; pomatis insidentes ibant Guardia Regales, Aulicæ Leyb Guardia, Item delecta virorum in ornatu quasi Raytarya, Arah buzyc. Item 24. Militum Vocatorum Karac. Cum iam aduenisset Seren: Rex ad Portam Artis, Illustr. & Excell. Dñus Franciscus Comes in Zywiec & Pieskowa Skála Wielopolski Generalis Minoris Poloniæ, Capitaneus Cracoviensis, iuxta consuetudinem salutavit Regiam Maiestatem, condigno

sermonem presentando. Claves aureas portarum. Pro qua retulit affa-
bilitatem responsum ore Illustr. Dñi Vice Cancellarij Regni. In Arce au-
tem ante in Templo ipso salutavit Regem Seren: Celsissimus Prin-
ceps Episc: Crac: iuxta morem cum Peraug: Capitulo huius Cathedrae
ore Illustr. & Rñdmi Decani Cracouiensis & sic post has Ceremonias
& gratiarum actiones Maieitati Diuinæ redditas introductus est ad
Arcem cum vniuersali omnium applausu Viuat Viuat personante.
Ex tormentis denuo bellicis salutatus est. In crastino die 13. cur-
rentis Mensis absolvebantur Solennes Exequiæ in eodem Templo
Cathedræ penes Mauzoleum Piæ memoriæ Seren: olim Regis Io-
annis III. pietatis ergo sumptu Seren: Regis recenter coronati expo-
situm, ubi præsens adfuit ipse Serenissimus Rex in frequentia
Illustr: Senatorum & Officialium Regni, Sacrum Votivum pro defun-
cto legit Illustris: Episcopus Samogitiæ & Funebrem sermonem
Perill: Rñdmus Dñus Kurdwánowski Notarius Regni, Canonicus
Crac: Insignia Regni iuxta consuetudinem sub Mauzoleum projicie-
bantur. Et sic omnes ad hunc Actum absolute sunt Ceremoniæ. Se-
renissimus etiam ipse Neocleus funeri adfuit in lugubri Vestitu.
Die 14. Audiuit Sacrum in Templo Arcis & eodem die ieiunium
observabat, propter præparandum se ad recipienda sceptræ ac Insi-
gnia Regalia. Post prandium autem hora 2da deductus est Serenissi-
mus Rex secundum consuetudinem in locum supis, vulgo vocatum
S. Stanislai, Patrum Ordinis S. Pauli primi Eremitæ processionaliter
à Clero, cum assistentia Illustr. tam Senatorij quam Equestri Ordini
ubi Gvadyæ variæ circum duo Millia præter hos qui Ordinibus
ab ipsa Arce vsq; ad Templum Rupis dispositi fuerunt, inueniebantur.
Illuc in occursum, venit Vrbs Casimiria, & Seren: salutavit per Dñum
Groszkievicium Consulem Casimiriensem, deinde progredienti Se-
renis: occurrerunt RR. PP. Augustiani quorū R. P. Prior salutavit Re-
giæ Maiestatem, Italico idioma vnde magnopere Serenissimus
fuit satisfactus. His statim respondit Nomine Regio, Illustr. Vice Can-
cellarius Regni, Postea lentissimo passu cum frequentia Senatorum in
Cemeterium RR. Patrum Eremitarum Ord. S. Pauli ingressus, & ibi
honorificen:issime salutatus fuerat, ore, Rñdi P. Prouic: supradicto-
rum Patrum, ubi etiam Nomine Serenis: digne itidem Illustr. Vice
Cancellarius Regni respondit. Tandem factis aliquot passibus pro-
pius

pius Templi adivit Portam Triumphalem, quæ elegantissime ante
Templum erecta fuit in plauti Regi Sereni per Rûdos PP. eiusdem
loci cum inscriptionibus, ubi ex parte Orientali ad ingressum Eccle-
siæ Porta erat duobus altioribus sustentata Columnis, inter quas me-
diam inter capedinem supra ipsum met ingressum occupabat schem-
ma seu potius effigies Sereniss. aurea, ex adamantibus & lapidibus pre-
tiosis redimira Corona, quam ex vna parte Fides, ex altera Ecclesia
infra succolantibus Genijs manuberebant, Desuper inter eminentio-
res Palmas Laurosque impendebat Imago S. Michaelis Archangeli
quasi protegentis ac defendentis Regem cum inscriptione,

Protegam cum quoniam cognovit Nomen meum. Psal. 90.

A Columnis ex utroque latere pendebant 2. Imagines 7. v. 1870. Cu-
bitorum altæ, latæ vero ad sex, quarum vna à Parte dextra repræ-
sentabat S. Paulum e Cælo currum Triumphalem submittentem, Pal-
mis Triumphalibus onustum, qui à duobus Leonibus trahabatur.
Inscriptio erat.

Aurea Sarmaticis redeunt iam Sacula Regnis.

A Parte sinistra altera Imago monstrabat S. Stanislaum pariter e Cæ-
lo demissum, currum eidem Triumphalem. 4. Aquilis tractum, offe-
rentem, laureisque onustum Coronis, cum Lemmate.

Surgit in AUGUSTO Pietas rediitque SECUNDO.

Ad frontem utriusque Imaginis stabant duæ Pyramidales Columnæ,
quarum vni tres Genij affigebant Clypeum duobus ensibus transver-
sim compositis (vti Gentilitio insigni Serenissimi) ornatum, quos lau-
rus undique ambiebant in Cuspide autem Pyramidali superstans Ge-
nius explicabat Epigraphæ.

In Fulcrum Pacis.

Alteri vero affigebatur Clypeus cum iisdem Ensibus Medio Regali,
Sceptro distinctis, & simul cum illo Corona aurea vinctis, Insistens
vero Pyramidi Genius Inscriptionem tenebat.

In Praesidium Libertatis.

Inferius ex utraque parte stantes duo decem Scenice adornati pueri Tri-
umphali Carmine quantem excipiebant Regem, accommoda salutati-
one, cum da secunda secundo exoptantes.

Postea intrauit Templum Serenissimus in quo flexis genibus lau-
deque Dei deuotissime annuntiata ad sepulchrum S. Stanislaui dived-
tit

medio pendeat Artificiosa Aquila, præsuperbe gemmis & adamantibus varijsq; lapidibus contexta, cum insignijs Reipubl: venit itaq; in hoc ornatu, ante Altare magnum, præcedentibus, sc. Illustrissimo Marechalco Aula Regni, cum scipione pretioso Perillustribus & Magnificis Vexilliferis vtriusq; gentis Vexilla manudentibus, Primus Vexillum rubrum, alter cyaneum gestabat. Perillustri Gladifer Regni cum evaginato Mucrone. Illustr: Palatinus Cracoviensis, Regale Diadema portabat, Illustr: Palatinus Łeciciensis, Generalis Majoris Poloniae, cum Pomò Regali, Illustris: Castellanus Vilnensis Campiductor M. D. L. cum sceptro Regio accesserunt illuc, qui bus depositis in manus Illustrissimi Episcopi Cuiaviensis & Pomeraniae ex Senatus Consilio ad hunc Actum Solemnem assignati paululum recesserunt. Quibus insignijs dictus Illustr: Episcopus Cuiaviensis honorificentissime receptis, illisq; Altari impositis sacrum incepit. Assisteabant illi in Casulis Prælati Celsissimi Capituli Cracov:, ad cuius initium, secundum Pontificale eadē insignia collata fuere Noviter Electo. Cui ante omnia recepto ex manibus Illustr: Episcopi Cuiaviensis gladio, decertabat in documentum, quod semper paratus certare pro fide Catholica. Applaudabant illi omnes Universaliter Proceres & Magnates Regni cum aggratulationibus, vivat, vivat, proclamando. Ex tormentis pluribus, tam in arce, quam in circuitu Urbis repetita ter vice salutatus est Serenissimus, Triumphus etiam varijs absoluti. Personabant cum plausu variae Inventionis Musicae, Tandem Rex Serenissimus recessit in Thronum Regalem in quo solium stabat Magnificentissimum ex puro argento artefactum, cum insignijs aureis tam Regni quam M. D. L. quam etiam Serenissimi Noviter Coronati. Sedens igitur in solio attentissime & devotissime audivit Sacrum, & cum sequeretur instas offertorij, accesserunt ad solium Illustr: Episcopi Præmyslensis & Samogitiae, invitantes ad recipiendam Sphæram pomi aurei, quam antequam recepisset, obtulit Massam auri, hanc tandem recepta, ad Thronum Regalē antecurrentibus Senatorib; tam Ecclesiasticis, quam Sæcularibus retrovertit, & continuavit auditionem Sacri, usq; ad Communionem Sanctam, ejus recipiendæ cum tempus venerit, denuntiaverunt Illustris: dicti Episcopi S. R. M. qui statim cum Summa Re.

ma Reverentia & devotione ad altare accessit, post susceptumq; honorificè Sacramentum, in solium reversus, ubi ad finem audito sacro atq; suscepta Episcopali benedictione, progressus est in eodem apparatu Regali, ad Palatium sursum, præcedentibus Perillustribus Supradictis Signiferis. Illustriss: Episcopo Cuiavienſi post depositum suum apparatus Episcopalem, & in Numerosissima Illustrissimorū Senatorum Procerum Regni circumcirca comitantia incedebat, & antequam ex Templo exiret Serenissimus, jecit Thesaurarius Aulae Regni inter adstantem populum, pro consuetudine pecunias, in quarum una parte, effigies Serenissimi Regis, in altera Sceptum cum gladio fuit expressum, apposito Lemmate. Reget & defendet. Progrediens itaq; Rex Serenissimus venit ad suum ordinarium Palatium, inibi deposito suo Regali apparatu, in cōmunem transornatus vestitum, divertit ad amplum hypocaustum, ubi Solennissime Celsissimum Principem S. R. Imperij Episcopum Passaviensē Ablegatum Augustiss: Imperatoris ad hunc Actum Deputatum, etiam Illustrissimum Dñum Hovemberg Ablegatum itidem Principis Electoris Brandenburgici, ad Regalem suam invocavit mensam; à parte autem Manus dextræ, sedebat Celsissimus Dux Episcopus Cracov: Illustriss: Rñdorum Dñi Referendarij Regni. ab altera parte Illustrissimi Senatores & Officiales tam Regni, quàm M. D. L. Ministri vero quorum de Officio concernebat suas ad Mensam absolvebant functiones.

Quo ad Solennitatē Cōvivij, multa forent scribēda, tamen innuere satis, quòd fuit Magnum Convivium cum omni sufficientia optimorum ferculorum, & Sumptuosissimè ex Saccaris Pyramidarū erectatum. Potus ac liquores varij quàm præstantissimi fuerunt. Splendorem, Magnificentiam, impossibile sufficienter exprimere quæ omnia absolvebatur in Musica elegantissima. In Conclusionē Prandij ad vesperascente Cælo dabantur Panes Martij, ubi facces ex cere alba 40. accensæ Vices gerebant solis, prædiuites cum insignijs Sanctissimi Papæ. Augustissimi Imperatoris Reipublicæq; Polonæ & M. D. L. etiam propria insignia noviter Coronati Regis inveniuntur. In Arce autem inferius propter populum communem liquores varij, ad sufficientiam expositi fuerunt.

Die 16, eiusdem hora 4. post meridiem, iuxta consuetudinem Serenissi-

renissima Maiestas Regia, in solenni forma & Maiestate pro homagio incedebat ante Prætorium vbi Theatrum expositum & Baldachinum, cum his omnibus assistentijs Militem & Guardiarum, quæ fuerunt in ingressu, solum ea differentia fuit, quia maior numerus inveniebatur Ordinis equestris & Senatorij. Insignia Regalia, nempe Coronam, Sceptrum, & pomum ferebant Illustrissimi Senatores in pulvinis pretiosissimis immediatè ante Regem Serenissimum, qui decentissime, Polono vestitu holosericeo terro violacei coloris cum nodis fibulatis adamantinib⁹ indutus fuit. Framea ad latus eius aurea pretiosissimis amicta fere lapidibus, manu tenens clavam. Pileus eiusdem cum Veste coloris, vnionibus ac adamantibus in quadratum ornatus. Eundem equum quem & in ingressu insederat. Frænum & Ephippium cum omnibus cæteris decoribus nimis æstimatissimum, & cum venerit ante Prætorium, descendit ex equo in Theatrum, ibiq; parumper cõmoratus ivit, cum assistentia Magnatum in Medium Prætorij, susceptusq; cum salutatione à Prænobili ac spectabili Magistratu & honorificentissime indutus Regalibus, breui regressus est in Theatrum, & sub Baldachino sedit, inter duo Vexilla Regni & M. D. Lithuania, quæ deportabant supradicti Illustrēs Signiferi in Comitatu & assistentia semper Illustrissimorum Episcoporum Cuiavienſis, Præmysliensis, Samogitiæ, Suffraganei Varmienſis, Illustrissimorū & Rûdorum Referendariotum utriusq; gentis. Hic Homagium Submissionis reddebat Oratorio Stylo, Prænobilis Dominus Stanislaus Łopacki, Serenissimo Regi, cum Portatione Inrium & Clavium Urbis, cui responsum est præclarissimè ore Illustrissimi Cancellarij Mag: Regni. Tandem Prænobiles Dñi Consules admissi sunt ad osculum Manus Regiæ. Post illos Illustr: Episcopus Cuiaviensis præsentabat nonnullos ad Notabilitandum juxta consuetudinem gladio. Cum id fecerit Serenissim⁹, Prærogativâ Nobilitatis donati sunt, qui vocantur Equites aurati. Finitis his Ceremonijs reversus est Serenissimus Rex in Curiam sive Prætorium, depositusq; Regalibus vehabatur carpento pretiosissimo, ad arcem octo Equis iugato, cum eisdem assistentijs & Triumphis, & omnis populus exclamabat, vivat, vivat. Tempore harum Ceremoniæ, ex intormentis incircuitu Urbis personatum est. In Urbe autem ipsa instrumentis varijs bellicis etiam Prætoriani Milites ex Scolpetis. Iidem Re-

g. lis

galis peditatus salutabant Serenissimum. Ipso autem vespere ante
Prætorium mittebantur Pyroboli, certas literas in aëre explican-
tes nempe *Vivat AUGUSTUS &c.* In foro ipso 4. boves to-
ti verubus perfolsi coquebantur, & aliquot dolia magna vini ex-
posita, quod debuit quasi ex fontana erumpere qui propter brevitatem
temporis non præparata, &c. &c. Rursus brevibus verbis hanc
Relationem concludere necesse, quia Ingressum tam solennem &
cum maiori Pompa absolutum, sæcula non habuerunt, etiam
tres Monarchæ insimul Ingressus suos compararent.

Omnia quietissime favore Superum absoluta
sunt.

*Ad Majorem Dei Gloriam, & Serenissimi ac
Potentissimi Regis Poloniarum Honorem.*



